

御定全唐诗

全唐詩目 第八函

第二冊

盧鈞

范傳質

賈謩

陳彥博

唐扶

陶雍

郭周藩

侯冽

王質

高銖

共一卷

舒元興

一卷

盧宗回

周匡物

廖有方

皇甫曙

潘存實

陳去疾

共一卷

張蕭遠

李播

王季則

紀元皐

吳晃

鄭還古

獨孤鉉

王初

劉軻

朱晝

滕邁

滕倪

共一卷

殷堯藩 卷

沈亞之 一卷

施肩吾 一卷

費冠卿 蕭建

劉虛白

張復

張勝之 共一卷

全唐詩

盧鈞

盧鈞字子和舉進士中第嘗爲李絳裴度幕僚歷嶺南山南昭義宣武節度大中時召爲左僕射後以太保致仕卒年八十七詩一首

薦冰

薦冰朝日後闢廟曉光清不改晶熒質能彰雨露情且無霜共潔豈與水均明在捧搖寒色當呈表素誠凝姿陳俎豆浮彩映牕楹皎皎盤盂側稜稜嚴氣生

范傳質

范傳質元和進士第詩一首

薦冰

乘春方啟閉羞獻有常程潔朗寒光微輝華素彩明色
凝霜雪淨影照冕旒清肅肅將崇禮兢兢示捧盈方圓
陳玉座小大表精誠朝覲當西陸桃弧每共行

賈譽

賈譽元和進士詩一首

賦得芙蓉出水

的皪舒芳豔紅姿映綠蘋搖風開細浪出沼媚清晨翻
影初迎日流香暗襲人獨披千葉淺不競百花春魚戲
參差動龜游次第新涉江如可採從此免迷津

陳彥博

陳彥博元和五年進士第詩一首

恩賜魏文貞公諸孫舊第以導直臣

阿衡隨逝水池館主他人天意能酬德雲孫喜庇身生

前由直道歿後振芳塵雨露新恩日芝蘭舊

一作故

里春勲

庸畱十代光彩映諸鄰共賀升平日

一作代

從茲得諫臣

唐扶

唐扶字雲翔晉陽人莒公儉之後元和五年登進士第
爲侍御史終福州團練觀察使詩二首

使南海道長沙題道林岳麓寺

道林岳麓仲與昆卓犖請從先後論松根踏雲二千步
始見大屋開三門泉清或戲蛟龍窟殿豁數盡高帆掀

卽今異鳥聲不斷聞道看花春更繁從容一衲分若有
蕭瑟兩鬢吾能髡逢迎侯伯轉覺貴膜拜佛像心加尊
稍揖皇英頰濃淚試與屈賈招清魂荒唐大樹悉楠桂
細碎枯草多蘭蓀沙彌去學五印字靜女來懸千尺幡
主人念我塵眼昏半夜號令期至暝遲回雖得上白舫
羈泄不敢言綠尊兩祠物色採拾盡壁間杜甫真一作原少
恩晚來光彩更騰射筆鋒正健如可吞

和兵部鄭侍郎省中四松詩

松是中書相公任侍郎日手栽一本作奉和中書相公

任兵部侍郎日

後閣植四松

幽抱應無語貞松遂自我寄懷丞相業因擢大夫材日
射蒼鱗動塵迎翠筵迴嫩茸含細粉初葉泛新橘偶聖

爲舟去逢時與鶴來寒聲連曉竹靜氣結陰苔赫奕鳴
騶至熒煌洞戶開良辰一臨眺憇樹幾裴回恨發風期
阻詩從綺思裁還聞舊凋契凡在一作九此中培

陶雍

陶雍元和間人詩一首

和兵部鄭侍郎省中四松詩

鄭侍郎
澣也

右相歷兵署四松皆手栽斲時驚鶴去移處帶雲來根
倍雙桐植花分八桂開生成造化力長作棟梁材豈羨
蘭依省猶嫌柏占臺出樓終百尺入夢已三台幽韻和
宮漏餘香度酒杯拂冠枝上雪染履影中苔高位相承
地新詩寡和才何由比蘿蔓攀附在條枚

郭周藩

郭周藩河東人登元和六年第詩一首

譚子池

澄水一百步世名譚子池余詰陵陽叟此池當因誰父
老謂余說本郡譚叔皮開元末年中生子字阿宜墜地
便能語九歲多鬚眉不飲亦不食未嘗言渴飢十五銳
能^{一作}行走快馬不能追二十入山林一去無還期父母憶

念深鄉閭爲立祠大曆元年春此兒忽來歸頭冠簪鳳

皇身著霞

^{一作霓}

裳衣普遍拯疲俗丁寧告親知余爲神仙

官下界不可祈恐爲妖魅假不如早平夷此有黃金藏
鎮在茲廟基發掘散生聚可以救貧羸金出繼靈泉湛

若清琉璃泓澄表符瑞水草無竭時言訖辭冲虛杳霭
上玄微凡情畱不得攀望眾號悲尋稟神仙誠徹廟廡
開窺果獲無窮寶均融霑因危巨源出嶺頂噴湧世間
稀異境流千古終年福四維

侯洌

一作列

侯洌元和六年進士第詩二首

金谷園花發懷古

金谷千年後春花發滿園紅芳徒笑日穠豔尙迎軒雨
濕輕光軟風搖碎影翻猶疑施錦帳堪歎罷朱紉愁態
鶯吟澀啼容露綴繁慙慙問前事桃李竟無言

花發上林

花發三陽盛香飄五柞深素暉雲積苑紅彩繡張林落
水隨魚戲搖風映鳥吟瓊樓出高豔玉輦駐濃陰亂蝶
枝開影繁蜂藥上音鮮芳盈禁籞布澤荷天心

王質

王質字華卿太原祁人文中子之後元和六年登第太
和中歷河南尹宣歙觀察使詩一首

金谷園花發懷古

寂寥金谷澗花發舊時園人事空懷古煙霞此獨存管
弦非上客歌舞少王孫繁蘂風驚散輕紅鳥乍翻山川
終不改桃李自無言今日經塵路淒涼詎可論

高銖

高銖字權仲元和六年登第爲太原判官檢校觀察御史大中初終太常卿詩一首

和太原張相公山亭懷古

鬪石類巖巖飛流瀉潺湲遠壑簷宇際孤巒雉堞間何必到海岳境幽機自閑茲焉得高趣高步謝東山

史大中既錄宋常璉詩一首

高祐卒謝仲云時六平恒須得大德代有常璉詩幾略

全唐詩

元興

舒元興婺州東陽人元和中登進士第調鄆尉裴度表
掌興元書記拜監察御史再遷刑部員外郎改著作郎
分司東都李訓與元興善訓用事再遷左司郎中御史
大夫李固言表知雜事固言輔政權知御史中丞不三
月卽眞兼刑部侍郎專附鄭注月中以本官同中書門
下平章事甘露之變爲仇士良所害詩六首編爲一卷
八月五日中部官舍讀唐曆天寶已來追愴故
事

將尋國朝事靜讀柳芳曆八月日之五開卷忽感激正

當天寶末撫事坐追惜仰思聖明帝貽禍在肘腋楊李
盜吏權貪殘日狼籍燕戎伺其便百萬奮長戟兩河連
煙塵二京成瓦礫生人死欲盡契業猶不息肅宗傳寶
圖寇難連年擊天地方開泰鑄鼎成繼述萬國哭龍哀
悲思動蠻陌自此千秋節不復動金石悲風揚霜天總
帷冷塵席零落太平老東西亂離客往往爲余言嗚咽
淚雙滴况當近塞地哀吹起邊笛撫几觀陳文使我心
不懌花萼笑繁華溫泉樹容碧霓裳煙雲盡梨園風雨
隔露囊與金鏡東逝驚波溺昔聞歡娛事今日成慘感
神仙不可求劒璽苦文積萬古長恨端蕭蕭秦陵陌

坊州按獄

中部接戎塞頑山四周遭風冷木長瘦石磽人亦勞牧

守苟懷仁養

一作司

之時爲搔其愛如赤子始得無啼號奈

何貪狼心潤屋沉脂膏攫搏如猛虎吞噬若狂獒山禿

逾高採水窮益深撈龜魚旣絕跡鹿兔無遺毛氓若稅

外緡吏憂笑中刀大君明四目燭之洞秋毫眷茲一州

命慮齊墜波濤臨軒詔小臣汝往窮貪饕分明舉公法

爲我緩窮騷小臣誠小心奉命如煎熬飲水不待夕驅

馬凌晨臯及此督簿書遊詞出狴牢門墻見狼狽案牘

聞腥臊探情與之言變態如姦獠真非旣巧飾僞意乃

深韜去惡猶農夫稂莠須耘耨恢恢布疎網罪者何由

逃自顧孱鈍姿利器非能操六旬始歸奏霜落秋原蒿

寄謝守土臣努力清郡曹須知聽甚卑勿謂天之高

橋山懷古

軒轅厭代千萬秋淒波浩蕩東南流今來古往無不死
獨有天地長悠悠我乘驛騎到中部古聞此地爲渠搜
橋山突兀在其左荒榛交鑱寒風愁神仙天下亦如此
況我感使同蜉蝣誰言衣冠葬其下不見弓劍何人收
哀喧叫笑牧重戲陰天月落狐狸遊卻思皇墳立人極
車輪馬跡無不周洞庭張樂降玄鶴涿鹿大戰摧蚩尤
知勇神天不自大風后力牧輪長籌襄城迷路問童子
帝鄉歸去無人留崆峒求道失遺跡荆山鑄鼎餘荒丘
君不見黃龍飛去山下路斷髯成草風颼颼